

Aktuelnosti:

1. Prezentiran Projekat odvodnje i prečišćavanja otpadnih voda
2. Treći Kongres lokalne samouprave RS-a
3. Podrška Projektu poduzetničkih zona u Cazinu
4. Uspješna saradnja Općine Bihać i Misije OSCE-a
5. Potpisan Memorandum o saradnji Grada Sarajeva i Novog Pazara
6. Potpisan ugovor o izradi LEAP-a i TAP-a
7. Uspješno završena prva emisija municipalnih obveznica u FBIH
8. Izgradnja poslovne zone u Blatuškom Lugu
9. Održana zajednička sjednica tri komisije Saveza
10. FMPVŠ pozitivno odgovorilo Savezu na Inicijativu za dalju primjenu ranijeg Zakona o vinu i rakiji
11. Intervju s Edinom Smajićem, načelnikom Općine Vogošća
12. Konferencija o IPA programima pomoći
13. Sastanak načelnika A. Muslića i ambasadora Francuske u BiH
14. Intervju s Albinom Muslićem
15. Izbor partner općina u LOD II
16. Najava specijalističkih seminara na temu miPRO
17. Najava obilježavanja Dana općina

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.
Repriza je utorkom u 14:15

<http://vimeo.com/user5457690/videos>

PREZENTIRAN PROJEKAT ODVODNJE I PREČIŠĆAVANJA OTPADNIH VODA



BIHAĆ, 29. april/travanj – U prostorijama Doma MZ Bakšaiš, sinoć je, uz prisustvo velikog broja mještana, održana prezentacija Projekta odvodnje i prečišćavanja otpadnih voda općine Bihać.

Građani su iskazali veliki interes za ovaj značajan projekat Općine Bihać, koji se provodi uz podršku njemačke razvojne banke KfW.

Tokom stručne prezentacije projekta mještani su imali priliku saznati kuda će se protezati trase novih kanalizacijskih cjevovoda i kolektora, o izgradnji separarne kanalizacije i najmodernijeg postrojenja za prečišćavanje otpadnih voda u Bosni i Hercegovini, te o trenutnom statusu implementacije projekta.

Najveći interes prisutnih pobudio je govor općinskog načelnika Albina Muslića, koji je naglasio da Općina Bihać ovaj generacijski projekt želi provoditi u partnerstvu sa građanima.

Govoreći o značaju kooperativnosti građana i općem interesu, načelnik Muslić je

kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

[Fax:](#) 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

podsetio na sve benefite koje realizacijom projekta ostvaruje zajednica, a posebno oni dijelovi općine koji su najviše ugroženi nekontroliranim zagađivanjem otpadnim vodama i otpadom koji završava u koritu rijeke Une.

Kada je u pitanju MZ Bakšaić, kazao je kako mještani već 50 godina čekaju konačno rješenje, kao što je to ovakav veliki projekt koji kreće sa realizacijom upravo u području MZ Bakšaić.

Na kraju iscrpnog izlaganja pozvao je svoje sugrađane da svojim odnosom prema projektu doprinesu njegovom planiranom početku, realizaciji i ulozi, u čemu je eksproprijacija zemljišta veoma značajna etapa.

U završnoj diskusiji, nakon obraćanja načelnika Muslića, građani su otvoreno podržali projekt i ponudili direktnu pomoć kako bi se projekt izveo po planiranoj dinamici.



TREĆI KONGRES LOKALNE SAMOUPRAVE RS-a

SARAJEVO, 28. april/travanj - Savez opština i gradova Republike Srpske (RS) i Ministarstvo uprave i lokalne samouprave RS organizovali su 27. i 28. aprila/travnja u Tesliću Treći kongres lokalne samouprave RS s centralnom temom "Jačanje građanskog učešća na lokalnom nivou".

Učesnicima na otvaranju Kongresa obratili su se predsjednik Saveza opština i gradova RS Dragoljub Davidović i ministrica lokalne samouprave RS Lejla Rešić.

Tokom skupa govoreno je o strategiji razvoja lokalne samouprave RS koju je izradila Vlada RS, strategiji za obuku zaposlenih u jedinicama lokalne samouprave RS koju je izradio UNDP u saradnji sa partnerskim organizacijama i organima vlasti RS-a, te o modelima jačanja građanskog učešća na lokalnom nivou.

Učesnici Kongresa su bili načelnici općina, predsjednici skupština općina, predstavnici organa vlasti RS-a i predstavnici partnerskih organizacija.

Drugi dan Kongresa izdvojen je za održavanje redovne dvogodišnje Skupštine Saveza.

Kongres je održan u hotelu "Kardial", Banja Vrućica.



e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDove:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmmed.com/>

http://eacea.ec.europa.eu/index_en.php

EURELSMED: PODRŠKA PROJEKTU PODUZETNIČKIH ZONA U CAZINU



CAZIN, 27. april/travanj – Načelnik Općine Cazin Nermin Ogršević održao je prošle sedmice radni sastanak sa vođom tima EURELSMED projekta u BiH, Davidom Millerom i predstavnicima regionalne razvojne agencije za sjeverozapadnu BiH (RDA NW).

Na sastanku su razgovarali o projektu razvoja poduzetničkih zona u ovoj općini. U skladu s tim potrebama Miller je obezbijedio pomoć konsultanta čiji će zadatak biti da zajedno sa općinskim timom izradi kvalitetan prijedlog projekta poduzetničkih zona, spreman za apliciranje i potencijalno finansiranje od strane EURELSMED-a i ostalih EU fondova.

Evropska komisija je tražila od EURELSMED-a da napravi listu projekata prioritetnih za finansiranje, a jedan od njih bi svakako mogao biti i projekat poduzetničkih zona u Cazinu. Dogovorena je i konkretna saradnja sa regionalnom razvojnom agencijom, koja će asistirati pri izradi projektnih prijedloga općine u okviru bilo kojeg otvorenog poziva od stranih i domaćih donatora.

Prema riječima načelnika Ogrševića, naša želja jeste da ojačamo svoje kapacitete, da se institucionalno organiziramo i da omogućimo intenzivnu komunikaciju sa našim privrednicima. U tom smislu bilo je riječi i o projektima kulturnog naslijeđa koji će generirati razvoj turizma i otvaranje novih radnih mjesta.

USPJEŠNA SARADNJA OPĆINE BIHAĆ I MISIJE OSCE-A U BIH

BIHAĆ, 25. april/travanj – Misija OSCE u BiH već duži period posredstvom Ureda u Bihaću uspješno participira sa Općinom Bihać u različitim projektima koji su direktno usmjereni prema izgradnji efikasne, efektivne i na zakonu utemeljene lokalne uprave, kao i njenog unapređenja, posebno kada je u pitanju razvoj lokalnih zajednica i učešće građana u odlučivanju.

Samo u posljednje dvije godine, u okvirima programa OSCE-a pod nazivom "Lokalno je primarno", Općina Bihać aktivno sarađuje sa Uredom u Bihaću u realizaciji CAF projekta - Samoprocjena lokalne uprave u svrhu unapređenja rada, nastojeći da se standardiziranim procedurama što efikasnije uoče i otklone nedostaci u radu sa zajednicom.

Pored toga, Ured OSCE-a i Općina Bihać aktivno rade i na projektima unapređenja rada mjesnih zajednica, te izradi općinske Strategije komuniciranja sa zajednicom. O svemu ovome razgovarano je na današnjem sastanku kojem su, pored općinskog načelnika Albina Muslića prisustvovali šef Ureda OSCE u Bihaću Farrukh Islomov, te



najbliži saradnici.

Govoreći o dosadašnjoj praksi i iskustvima, i ovog puta je izražena pozitivna ocjena dostignutih odnosa i rezultata saradnje, a razgovarano je o saradnji u predstojećem periodu.

Načelnik Muslić je potvrdio opredijeljenost Općine Bihać da se nastavi sa zajedničkim projektima, posebno kada su u pitanju snaženje javnog mišljenja u mjesnim zajednicama i strateške odrednice komuniciranja sa građanima.

POTPISAN MEMORANDUM O SARADNJI GRADA SARAJEVA I NOVOG PAZARA



SARAJEVO, 22. april/travanj – Gradonačelnici Sarajeva i Novog Pazara, Alija Behmen i Meho Mahmutović potpisali su Memorandum o saradnji između dva grada, u okviru svečane akademije povodom 550 godina postojanja Novog Pazara.

Memorandum podrazumijeva razvijanje privrednih, kulturnih, obrazovnih i drugih odnosa u

skladu sa tradicionalnim prijateljstvom, zatim učvršćivanje međusobne saradnje i proširivanje prijateljskih odnosa, razvoj regija i država.

"Ima nešto što Sarajevo i Novi Pazar zaista temeljito veže - to je isti osnivač Isa-beg Ishaković, s tim što je Sarajevo godinu dana mlađe", kazao je Behmen.

Dodao je da Sarajevo, Podgoricu i Sombor, čiji su gradonačelnici potpisali Memorandum o saradnji s Novim Pazarom, vezuje multietničnost i to što su ovakvi gradovi budućnost regiona i Evrope.

"Mi opet moramo nanovo da izgradimo povjerenje, prije svega među građanima. Bitno je da naši građani znaju da smo mi svi prijatelji i saradnici u izgradnji mira koji je potreban ovom regionu, a njemu je potrebna i Evropa u koju ćemo otići kada ona dođe kod nas", rekao je Behmen.

Naš cilj, kazao je Mahmutović, je da imamo što više prijatelja, jer ćemo uz njihovu pomoć lakše u prosperitet i u Evropu.

Sarajevo će naredne godine obilježiti 550 godišnjicu od svog osnivanja.

POTPISAN UGOVOR O IZRADI LEAP-A I TAP-A

VOGOŠĆA, 22. april/travanj – U Vogošći je danas potpisan Ugovor za izradu projekata Lokalnog ekološkog akcionog plana (LEAP) i Turističkog akcionog plana (TAP) Općine Vogošća.

Ugovor su potpisali direktor Agencije "Synergy – REK" Suad Hajrić i općinski načelnik Edin Smajić.

Kako je saopćeno, potpisivanje Ugovora označilo je početak akcije čišćenja Vogošće koja je planirana za subotu 23. aprila 2011. godine.

Nakon potpisivanja Ugovora, načelnik Smajić je uručio novčane nagrade i diplome vogošćanskim učenicima za najbolje plakate i slogan akcije čišćenja.

USPJEŠNO ZAVRŠENA PRVA EMISIJA MUNICIPALNIH OBVEZNICA U FBIH

SARAJEVO, 21. april/travanj –

Tržište kapitala u Federaciji BiH
doživjelo je svoju prvu pobjedu.

Naime, jučer je uspješno
okonačna prva emisija municipalnih obveznica u Federaciji.

Time je Tešanj postala prva općina u ovom entitetu koja je na ovaj način prikupila
sredstva za finaciranje svojih projekata.

Preko burze su na ovaj način prikupili 500.000 KM koje namjeravaju iskoristiti za
izradnju poslovne zone Glinište-Jelah.

Prema riječima Aide Bučo, direktorice brokerske kuće SEE Investment Solutions,
koja je bila agent ove emisije, upis obveznica okončan je pet dana prije isteka roka
što svjedoči o velikom interesu investitora.

Već su dobili potvrdu Sarajevske berze-burze da je emisija prošla uspješno, sada
čekaju rješenje od Komisije za vrijednosne papire Federacije koje će to potvrditi.
Nakon što završe ove procedure Općini će sredstva biti u potpunosti na
raspolaganju.



IZGRADNJA POSLOVNE ZONE U BATUŠKOM LUGU

GORNJI VAKUF/USKOPLJE, 21. april/travanj – Izgradnja poslovne zone na
lokalitetu Batuški Lug, čiji su pripremni radovi pokrenuti, jedan je od najznačajnijih
projekata koji će ove godine biti realizovan na području općine Gornji
Vakuf/Uskoplje.

Za izradu projektne dokumentacije i uređenje terena iz općinskog budžeta bit će
izdvojeno 100.000 KM.

Poslovna zona će se nalaziti na površini 10 hektara, a neki od potencijalnih
investitora već su prezentirali svoje planove.

Otvaranje novih proizvodnih pogona će stvoriti i uslove za zapošljavanje
određenog broja radnika, jer je broj nezaposlenih osoba u Gornjem
Vakufu/Uskoplju u stalnom porastu i prema posljednjim podacima Biroa za
zapošljavanje, od 31. marta/ožujka, bez posla je bilo 3.100 lica.

Među njima ih je čak 1.458 bez radnog iskustva i većina ih već duže vrijeme čeka
na bilo kakav posao.

ODRŽANA ZAJEDNIČKA SJEDNICA TRI KOMISIJE SAVEZA



SARAJEVO, 21. april/travanj – U četvrtak
21. aprila/travnja u prostorijama «Centra
za podršku biznisu» Općine Centar
Sarajevo, održana je zajednička sjednica
Komisije za ustavna i zakonodavna pitanja,
Komisije za razvoj i unapređenje lokalne
samouprave i Komisije za ekonomski
razvoj općina i gradova i finansije.

Na sjednici je razmatran veliki broj

inicijativa pristiglih iz članica Saveza. Inicijativa Općine Stari Grad Sarajevo za formiranjem Ministarstva za lokalnu samoupravu na nivou Federacije BiH, zatim tri inicijative Općine Tuzla - Inicijativa za usklađivanje Zakona o koncesijama Tuzlanskog kantona sa presudom Ustavnog suda FBiH, Inicijativa za izmjene i dopune Zakona o plaćama i naknadama u organima vlasti FBiH i Inicijativa za donošenje Zakona o



zaštiti od požara i vatrogastvu i osnivanju Zajedničke profesionalne jedinice Tuzlanskog kantona. Također, na dnevnom redu je bila Inicijativa načelnika Hercegovačko-neretvanskog kantona za izmjene i dopune Zakona o pripadnosti javnih prihoda HNK/Ž i aranžman sa Međunarodnim monetarnim fondom, Inicijativa Općine Konjic za ocjenu ustavnosti Zakona o osnovnom odgoju i obrazovanju HNK i zahtjev za njegovom izmjenom, Inicijativa Općine Travnik za ocjenu ustavnosti u vezi sa nedonošenjem Zakona o finansijskoj konsolidaciji javnih komunalnih preduzeća u FBiH i Inicijativa Saveza opština i gradova RS za izmjenu Izbornog zakona BiH.

Inicijativa za formiranje Ministarstva za lokalnu samoupravu u Vladi Federacije BiH potiče još iz jula/srpnja 2007. godine sa Konferencije o Implementaciji Zakona o principima lokalne samouprave u Federaciji BiH koja je održana u Sarajevu. Taj je zahtjev ponovljen i na Kongresu lokalne samouprave Federacije BiH koji je održan u Neumu u decembru/prosincu iste godine, kao i na zadnjoj Skupštini Saveza koja je održana u maju/svibnju 2010. godine. Općina Stari Grad Sarajevo ponovno je pokrenula ovu inicijativu iz razloga nedovoljne brige vlasti o stanju u segmentu lokalne samouprave, a koja nosi najveći teret pružanja usluga i ispunjavanja zahtijeva i potreba građana. Komisije Saveza su pomenutu inicijativu u potpunosti podržale, te predložile da je Predsjedništvo Saveza proslijedi na sve relevantne adrese.

Što se tiče Inicijative Općine Tuzla za usklađivanje Zakona o koncesijama sa presudom Ustavnog suda FBiH, gđa Mediha Nuhbegović je obavijestila prisutne da će ova Inicijativa biti realizirana na Skupštini Tuzlanskog kantona, te s toga nije bilo potrebno voditi raspravu o istoj.

Uvodne napomene o Inicijativi o izmjenama i dopunama Zakona o plaćama i naknadama u organima vlasti Federacije dala je gđa Mediha Nuhbegović i istakla da se izmjene i dopune ovog zakona traže zbog činjenice da pri donošenju istog nisu konsultovane jedinice lokalne samouprave, a zbog predloženih zakonskih rješenja iste su dovedene u nezgodan položaj. Zakon je, istovremeno, i diskriminirajući zbog toga što se radi o različitom tretmanu zaposlenika u općinama i kantonima u odnosu na zaposlenike federalnog nivoa vlasti. Takođe, u diskusiji je istaknuto da ovaj zakon nije usklađen sa Zakonom o budžetu, kao i činjenica da viši nivoi vlasti mogu propisati nivo iznad kojeg se ne smije ići u potrošnji, ali ne i propisati kolika potrošnja mora biti, što se naročito odnosi na „ostale naknade“ (npr. smrt užeg člana porodice), što može dovesti do neusklađenosti sa Zakonom o uštedama. Zaključeno je da se predloži Predsjedništvu Saveza da Inicijativu podrži, te proširi činjenicom da nema zakonskog uporišta da jedan nivo vlasti propisuje obaveze za druge nivoe vlasti i proslijedi je Vladi Federacije BiH.

Što se tiče treće inicijative Općine Tuzla, koja se odnosi na donošenje Zakona o

zaštiti od požara i vatrogastvu i osnivanju Zajedničke profesionalne jedinice Tuzlanskog kantona istaknuto je da je Zakon pogrešno koncipirao vatrogastvo i da je interes jedinica lokalne samouprave da postoji jedna vatrogasna brigada sa podružnicama u općinama/gradovima. Istaknuto je i da Zakon o zaštiti od požara treba razraditi bolje da bi bio kompatibilan sa Zakonom o zaštiti i spašavanju. Na kraju je zaključeno da se predloži Predsjedništvu Saveza da Inicijativu podrži, te da Predsjedništvo pokrene inicijativu da se organizacija u oblasti vatrogastva uredi na način da postoji jedna vatrogasna brigada na nivou kantona sa podružnicama u općinama/gradovima. Zatim, predlaže se Predsjedništvu Saveza da ovakvu inicijativu uputi Tuzlanskom kantonu.

Uvodne napomene na Inicijativu općina HNK/Ž dao je gđin Emir Bubalo i istakao da su sredstva od MMF dobile Federacija BiH i kantoni, a jedinice lokalne zajednice su u potpunosti ignorisane. Problem nastaje u činjenici da teret vraćanje duga pada i na lokalne zajednice, pa je ova tema usko vezana za raspodjelu javnih prihoda u HNK/Ž. Nakon



rasprave, zaključeno je da se predloži Predsjedništvu Saveza da podrži ovu inicijativu, te istu uputi HNK/Ž kako bi se izvršila pravična raspodjela prihoda, a da se dug vraća iz ostatka sredstava.

Inicijativu Općine Konjic za ocijenu ustavnosti i izmjene Zakona o osnovnom odgoju i obrazovanju HNK/Ž obrazložio je gđin Emir Bubalo i napomenuo da je ova inicijativa usko vezana sa Zakonom o raspodjeli prihoda. Zakonom o osnovnom odgoju i obrazovanju HNK/Ž propisano je da se djelatnost osnovnog školstva finansira sredstvima Kantona/Županije i dijelom sredstvima općina. Međutim, Zakonom o pripadnosti javnih prihoda u FBiH propisano je da se obrazovanje finansira iz kantonalnih budžeta, što je definisano i u Zakonu o pripadnosti javnih prihoda HNK/Ž. Zbog toga je potrebno izvršiti izmjene i dopune Zakona o osnovnom odgoju i obrazovanju HNK/Ž i uskladiti ga sa Zakonom o pripadnosti javnih prihoda u FBiH, tako da bi jedinice lokalne samouprave bile oslobođene od izdvajanja značajnih sredstava za prevoz učenika i materijalne troškove osnovnih škola, a bez adekvatne finansijske podrške Kantona za ovu nametnutu aktivnost. Nakon rasprave, donesen je zaključak da Predsjedništvo Saveza podrži ovu inicijativu i uputi je Skupštini i Vladi HNK/Ž, te je predloženo Predsjedništvu Saveza da podrži inicijativu za pokretanje ocjene ustavnosti Zakona o osnovnom odgoju i obrazovanju HNK/Ž pokrenutu pred Ustavnim sudom FBiH, kojim je povrijeđeno pravo na lokalnu samoupravu.

Što se tiče Inicijative Saveza opština i gradova RS za izmjene Izbornog zakona BiH komisije nisu zauzele stav smatrajući da je ovo političko pitanje i da se o istoj treba raspraviti na Koordinacionom tijelu dva saveza, a potom da Predsjedništva oba saveza formiraju zaključak.

Komisije su raspravljale i o Inicijativi Općine Travnik za ocjenom ustavnosti Zakona o finansijskoj konsolidaciji javnih komunalnih preduzeća u FBiH gdje je zaključeno

da je potrebno da se sve članice Saveza izjasne da li ovaj zakon ugrožava pravo na lokalnu samoupravu, što je bio i zaključak sa zadnje Skupštine Saveza općina i gradova FBiH.

Također, u okviru sastanka istaknuta je i problematika sve češće pojave traženja zaštite prava na lokalnu samoupravu na pojedine zakone pred Ustavnim sudom FBiH. S tim u vezi, donesen je zaključak kojim se predlaže Predsjedništvu Saveza da formira grupu eksperata koja bi sačinila listu svih kantonalnih i federalnih zakona koji nisu u skladu sa Zakonom o principima lokalne samouprave nakon čega bi se pristupilo njihovim izmjenama i dopunama. Tu ekspertnu grupu solidarno bi finansirale sve jedinice lokalne samouprave. Zatim, komisije su predložile Predsjedništvu Saveza da hitno traži stavljanje Zakona o šumama u parlamentarnu proceduru, te da donese konačan stav o pokretanju inicijative za izmjene i dopune Zakona o zaštiti i dobrobiti životinja u cilju oslobađanja nametnutih obaveza jedinicama lokalne samouprave bez njihovog konsultiranja i prenosa finansijskih sredstava za njihove aktivnosti predviđene ovim zakonom.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA POZITIVNO ODGOVORILO SAVEZU NA INICIJATIVU ZA DALJU PRIMJENU RANIJEG ZAKONA O VINU I RAKIJI

SARAJEVO, 20. april/travanj – Savez općina i gradova Federacije Bosne i Hercegovine uputio je Federalnom ministarstvu poljoprivrede, vodoprivrede i šumarstva zahtjev za pomoć u cilju prevazilaženja problema koje imaju proizvođači vina u Federaciji Bosne i Hercegovine.

Zahtjev je upućen, 05. aprila/travnja, a shodno zaključku sa 13. sjednice Predsjedništva Skupštine Saveza koja je održana 24.02.2011. godine u Bugojnu.

Naime, stupanjem na snagu Zakona o vinu, rakiji i drugim proizvodima od grožđa i vina („Službeni glasnik BiH“, broj: 25/08) prestao je važiti Zakon o vinu i rakiji („Službeni list SR BiH“, br.: 26/89 i 29/90) na osnovu kojeg su općinska tijela uprave nadležna za poslove poljoprivrede vodila registre proizvođača vina i rakije.

S obzirom da niti jedan provedbeni propis još nije donesen, nisu se stekli uvjeti za primjenu ovog zakona.

U tom pravcu Savez je predložio da se, uzimajući u obzir navedeno, u prijelaznom razdoblju do donošenja i usvajanja Zakona o vinu Federacije Bosne i Hercegovine i donošenja provedbenih propisa, temeljem upravnog akta koji bi donio ministar poljoprivrede, vodoprivrede i šumarstva, **omogućiti rad općinskim tijelima u smislu upisa u registar proizvođača vina, odnosno da se i dalje primjenjuju odredbe ranijeg Zakona o vinu i rakiji** („Službeni list BiH“, br. 26/89 i 29/90).

Od Federalnog ministarstva poljoprivrede, vodoprivrede i šumarstva dobili smo odgovor u kojem je naveden prijedlog koji je proistekao sa sastanka održanog 06. aprila/travnja u Mostaru u organizaciji Udruge proizvođača grožđa i vina koji potpuno odgovara i našem zahtjevu. Taj prijedlog, kojim se traži omogućavanje općinskim organima vlasti izdavanje rješenja za stavljanje u promet vina bez geografskog porijekla i upis u vinogradski i vinarski registar, te omogućiti ovom ministarstvu izdavanje rješenja o zaštiti geografskog porijekla vina, Sektor za prehrambenu industriju dostavio je Kabinetu Ministra na razmatranje.

INTERVJU: EDIN SMAJIĆ, NAČELNIK OPĆINE VOGOŠĆA

Razgovarao: Adis- Hamza BRDARIĆ

SARAJEVO, 19. APRILA (ONASA) - Načelnik Općine Vogošća Edin Smajić u intervjuu za Agenciju ONASA govori, između ostalog, o planiranim projektima Općine u 2011. godini, o potencijalima za investiranje u privredu Općine, zainteresiranosti ulagača, o gradnji saobraćajnica ...

ONASA: Na čemu će biti akcenat Vašeg rada na mjestu načelnika Općine Vogošća u 2011. godini?

SMAJIĆ: Načelnik kao inokosni organ u Općini prije svega je pozvan da obavlja sve one dužnosti u okviru zakonski predviđenih i drugih upravnih poslova, planova i programa koji donose nadležni organi.

Moja zadaća kao načelnika Općine Vogošća u periodu od oko godinu i pol do sljedećih izbora, odnosi se, prije svega, na redovno i što kvalitetnije odrađivanje zakonom određenih obaveza, ali u smislu koji je posebno zanimljiv građanima i javnosti. Pozvan sam da činim maksimum mogućeg, ali i nemogućeg u smislu stvaranja što boljeg ambijenta za život na području Općine Vogošća, ali također i za stvaranje što boljeg ambijenta za razvoj privrede, i u konačnici zapošljavanja, što je suština problematike bh. društva.



ONASA: Koji su prioritetni projekti Općine Vogošća u 2011. godini i za koje ste projekte planirali najviše sredstava?

SMAJIĆ: Posebna pažnja u narednom periodu će biti posvećena projektima vezanim za vodosnadbijevanje građana Općine. Mi smo u ovom smislu već započeli određene projekte kroz rješavanje problema oko sanacije vodozahvata "Peračko vrelo" i filter postrojenja u krugu fabrike UNIS.

Također, angažovani smo na projektu izgradnje vodorezervoara u Donjoj Jošanici kapaciteta 1.000 m³. Sve ovo treba da doprinese boljem vodosnadbijevanju.

Osim ovih aktivnosti, nezaobilazan je problem rješavanja problematike otpadnih voda, kako površinskih tako i fekalnih. Ovaj problem je izuzetno težak ako znamo da u sistemu odvoda otpadnih voda u Sarajevu nemamo trenutnog rješenja. U cijeloj Općini nemamo adekvatne kolektore, odnosno kanalizacione mreže.

Istovremeno, dajemo punu podršku sistemu kvalitetnog obrazovanja i u samom smo vrhu kada je riječ o stipendiranju studenata i učenika.

Isto tako, posebno pažnju posvećujemo sportu. Trenutno u Vogošći imamo 26 sportskih klubova koji okupljaju više od 1.500 sportista i za ove namjene izdvajamo velika sredstva. Na godišnjem nivou radi se o oko 300.000 KM finansijskih sredstava i besplatnom korištenju svih resursa Javne ustanove Kulturno- sportskog centra, Sportske dvorane, dva stadiona i teniskog terena.

Naša zadaća je i novu industrijsku zonu staviti u puni kapacitet. Naime, pored stare industrijske zone koja je na oko 144 hektara, imamo i novu zonu koja je veličine oko 14 hektara. Na ovom prostoru svoju aktivnost su već započela mala i srednja preduzeća.

ONASA: Koje privredne grane na području općine Vogošća imaju najviše potencijala za ulaganje?

SMAJIĆ: Vogošća je izrasla apsolutno na bazi metalske industrije. Sama tradicija i pretpostavke u smislu stručnih kadrova i infrastrukture u okviru starog fabričkog kompleksa, ukazuju da je metalska industrija prva oblast gdje se može nešto učiniti.

Ovdje su najpozvaniji nadležni organi, odnosno Federalni nivo vlasti da uradi ozbiljne poteze koji će dovesti do postavljanja na pravo mjesto namjenske industrije. Namjenska industrija, posebno metalski sektor, itekako ima prostora da uposli nove ljude, stvori novu vrijednost i poboljša ukupan privredni razvoj ove općine. Tu je također i farmaceutska industrija koja je prisutna na ovoj općini kao što su kompanije Farmavita i Medipex. Tu su i domaći privredni subjekti kao npr. : Drvopromet, grupacija MIMS, Granoff, Bellissima i drugi.

Očekujemo da ćemo putem malih i srednjih preduzeća uposliti još značajan broj ljudi.

ONASA: Pokazuju li strani investitori interesovanje za ulaganje u Općinu Vogošća?

SMAJIĆ: Postoji interes stranih investitora, ali on se još uvijek ogleda u istraživanju tržišta. Naravno, strani investitori ne žele uložiti novac u BiH samo na humanitarnoj osnovi.

Očekujemo veći interes stranih investitora u metalskom, poljoprivrednom i turističkom sektoru u Vogošći.

Značajno je održavanje business foruma, sastanaka privrednika i različitih okruglih stolova, koji doprinose privlačenju investitora.

U BiH su podjeljene nadležnosti kada je u pitanju razvoj ekonomije. Na lokalnom nivou smo prvenstveno pozvani da apelujemo i iniciramo određene projekte, te da stvaramo što povoljniji poslovni ambijent.

Kao načelnik, u narednom periodu ću učiniti maksimum u smislu izrade adekvatnih projekata pomoću kojih ćemo pokušati aplicirati za dodjelu sredstava od raznih fondova.

ONASA: U planu je gradnja brze ceste od Vogošće prema Sarajevu, koja će prolaziti pored nove industrijske zone. Kada se može očekivati početak radova i u čemu se ogleda značaj ove ceste za općinu Vogošća?

SMAJIĆ: Strategije za razvoj Općine Vogošća već postoje i ljudi koji su odgovorni za ovaj dio posla već decenijama planiraju. Kada je u pitanju prva transferzala, poznatija kao brza saobraćajnica, ona je već davno planirana. Koliko sam je upoznat, na nivou glavnog projekta, ta saobraćajnica je isprojektovana do Kobilje Glave, odnosno do kraja tunela koji polazi sa teritorije Općine Centar Sarajevo. Ja ću i dalje insistirati da se pristupi izradi glavnog projekta prve transferzale. Bez glavnog projekta nema nikakvog pomaka. Ova transferzala značajno određuje cijelu Vogošću, prije svega komunikacijski. Istovremeno, brza saobraćajnica ima značaj i u smislu razvoja ekonomije jer omogućava brži promet roba, ljudi i novca, te pokretanje uslužnih djelatnosti.

Percepcija stanovnika Vogošće je ta da bi bilo bolje krenuti sa izgradnjom prve transferzale sa pravca autoputa, odnosno sa Vogošćanske petlje prema Sarajevu, nego da se to radi iz Sarajeva. Nama je važnije da olakšamo brži izlazak iz Vogošće.

ONASA: Postoje li naznake da bi na području Općine ponovo mogao biti pokrenut pogon automobilske industrije?

SMAJIĆ: Ja sam imao priliku obići postojeće pogone automobilske industrije u Vogošći. Najvjerovatnije je da u kratkoročnom planiranju neće biti proizvodnje automobila. U okviru svoje strategije, Volkswagen planira izradu djelova koji se koriste u njihovom koncernu za VW vozila i to bi trebalo rezultirati zapošljavanjem oko 50 ljudi u TAS-u.

ONASA: Kakva je Vaša saradnja sa Savezom općina i gradova FBiH?

SMAJIĆ: Prema informacijama koje su mi saradnici prenijeli, saradnja je na dobrom nivou.

Mene, kao novog načelnika, tek očekuju određeni zadaci. Iz ugla načelnika općine Vogošća ja očekujem aktivniju saradnju sa Savezom, ali i neku koristi za Općinu.

Kroz članstvo u Savezu, očekujemo da u narednom periodu, hvatajući korak sa potrebama, uradimo brze i kvalitetne promjene koje bi nam obezbijedile stabilnu poziciju.

KONFERENCIJA O IPA PROGRAMIMA POMOĆI



MOSTAR, 18. april/travanj – U organizaciji Eu Info Centra Mostar održana je Konferencija o podršci za EU, na temu "IPA – Instrument predpristupne pomoći". Predavanje je održao Ilija Stojanović, šef odsjeka za Europske integracije u Vladi Brčko distrikta.

Stojanović je pojasnio pravila koja vrijede za IPA fondove, te da Bosna i Hercegovina kao potencijalni kandidat za članstvo u Europskoj

uniji ima pravo iskorištavati sredstva samo iz prve dvije komponente IPA fondova, od mogućih pet.

Te prve dvije komponente su vezane za: pomoć u tranziciji i jačanje institucija (komponenta I.) i prekogranična suradnja (komponenta II.)

Da bi Bosna i Hercegovina mogla koristiti i ostale tri komponente IPA fondova mora postati službeno kandidat za članstvo u EU.

Sudionike je najviše zanimala druga komponenta IPA fondova tj. prekogranična suradnja. Za Mostar i regiju Hercegovine je predviđena prekogranična suradnja sa Hrvatskom i Crnom Gorom.

Tijekom predavanja također je bilo riječi i o samom načinu pisanja projekata za IPA fondove, pa su sudionici predavanja mogli dobiti osnovne informacije o tome na što se treba paziti prilikom pisanja projekta i koje pogreške se najčešće ponavljaju.

Nazočni su dobili informacije o korisnim Web adresama i linkovima na kojima mogu dobiti informacije vezane za IPA fondove, kao što su: www.europa.ba, www.cbib-eu.org i www.dei.gov.ba

SASTANAK NAČELNIKA A. MUSLIĆA I FRANCUSKOG AMBASADORA U BIH R. GILLESA

BIHAĆ, 18. april/travanj – Ambasador Republike Francuske u Bosni i Hercegovini Roland Gilles, zajedno sa najbližim suradnicima posjetio je danas Bihać gdje se susreo sa načelnikom Općine Bihać, mr. Albinom Muslićem.

Tokom susreta načelnik Muslić je ambasadora upoznao sa trenutnom situacijom u Bihaću i osobenostima koje dugo godina spajaju francuski narod sa građanima

Bihaća, podsjećajući na ostvarenu suradnju sa kompanijom La Farge, kao i snažne veze i prijateljstvo sa gradom Villefranche de Rouergue. U otvorenom i srdačnom razgovoru Muslić je zahvalio ambasadoru Gillesu na pozitivnim iskustvima koja koriste Bihaću u razvoju, a posebno na dosadašnjem snaženju kulturnih i ekonomskih veza.



Zahvaljujući se na ovom susretu i zainteresiranosti francuske Ambasade za razvoj pozitivnih iskustava, kazao je kako postoji opravdana potreba da se u Bihaću otvori francuski kulturni centar, kako bi se građani Bihaća i kantona mogli bolje upoznati sa francuskim kulturnim miljeom i jezičkom baštinom.

Prema riječima načelnika Muslića, kulturna, ekonomska i svaka druga suradnja jeste u svakom slučaju neupitan doprinos međunarodnoj suradnji i razumijevanju.

Da se može i treba i dalje raditi na jačanju prijateljskih odnosa potvrdio je i ambasador Gilles kazavši da je zadovoljan današnjom posjetom Bihaću, kako u pogledu upoznavanja mlade ekipe koja vodi upravu Bihaća, tako i u pogledu mogućih oblika dalje suradnje.

Prema riječima ambasadora Gillesa, u ovom trenutku aktuelno je jačanje zastupljenosti francuskog jezika i njegovo prisustvo u Bihaću, kao i jačanje ekonomskih veza i zajedničkih projekata.

Ovo je dobitak za sve, kazao je ambasador Gilles.

INTERVJU: NAČELNIK OPĆINE BIHAĆ ALBIN MUSLIĆ

Razgovarao: Kerim ZVIZDIĆ

SARAJEVO, 17. april/travanj (ONASA) – Načelnik Općine Bihać Albin Muslić, koji je prije nešto više od dva mjeseca preuzeo tu dužnost, u intervjuu Agenciji ONASA ocijenio je da je općinska vlast u tom periodu potvrdila visok nivo organiziranosti i usklađenosti sa savremenim potrebama i okolnostima, uz obavezu da u narednom periodu napravi kvalitetan iskorak, posebno u oblasti zapošljavanja. Između ostalog, za ovogodišnji općinski budžet Muslić je kazao da je realan, te da su pri njegovom planiranju razmotreni efekti ekonomske krize i recesije, ali da će i pored te činjenice biti u službi ravnomjerne podrške pozitivnih ekonomskih tokova u poljoprivredi i drugim oblastima.



ONASA: Prošlo je malo više od dva mjeseca od kako ste i zvanično načelnik Općine, nakon pobjede na prijevremenim izborima za tu poziciju. Kako bi ste ocijenili protekli peirod, u smislu funkcioniranja lokalne vlasti, i jeste li zadovoljni urađenim poslom u tom vremenu?

MUSLIĆ: Općina Bihać u protekla dva mjeseca potvrdila je u svakom pogledu visok nivo organiziranosti i usklađenosti sa savremenim potrebama i okolnostima, i,

uistinu, mogu podjednako izraziti zadovoljstvo i optimizam. Usvojili smo realan ovogodišnji budžet, nastavili sa realizacijom određenih prioritetnih zadataka i projekata, a intenzivirali smo razgovore sa brojnim domaćim i inostranim investitorima, finansijskim institucijama i svim našim partnerima, kako bi sagledali šta možemo zajednički uraditi u predstojećem vremenu.

U protekla dva mjeseca posvetio sam se životu grada Bihaća i svojih sugrađana i mislim da sam okvirno razgovarao u prosjeku sa 12 do 15 sugrađana dnevno, kako bih sagledao što šire aktuelnu problematiku, kako kažemo, običnog čovjeka. Okvirno, zadovoljan sam jednim dijelom urađenog posla, ali nam preostaje još mnogo otvorenih pitanja. Ljudi općenito teško žive, a žele pristojno živjeti od svog rada, i tu moramo napraviti kvalitetan iskorak.

ONASA: Općinsko vijeće Bihaća usvojilo je ovogodišnji budžet u iznosu nešto većem od 26,5 miliona KM. Koliko će općinska vlast s tim iznosom sredstava moći odgovoriti na sve zahtjeve koji se pred nju postavljaju, počevši od onih socijalnog karaktera, do razvojnih projekata?

MUSLIĆ: Budžet za ovu godinu je u okviru realnih mogućnosti i predviđanja. Kada smo planirali budžet ozbiljno smo razmotrili efekte ekonomske krize i recesije, sveukupnu javnu potrošnju i ekonomska kretanja na području općine i kantona. Zajedničkim analiziranjem situacije i određenih kretanja u zajednici, i, temeljem nekoliko pretpostavki, odredili smo da ravnomjerno podržimo pozitivne ekonomske tokove u poljoprivredi i drugim oblastima, sa socijalnim potrebama koje, nažalost, iz godine u godinu, imaju izrazit rast.

Kada smo na sjednici Općinskog vijeća usvajali prijedlog budžeta, kazao sam opoziciji da razumijem njihove amandmane, jer su bili upravo vezani za život naših sugrađana, ali nisam ih mogao prihvatiti jer danas dodati još jedan milion na predloženih 26,5 miliona KM značilo bi nemoguću misiju u datim okolnostima. Kazao sam tom prigodom da sam spreman u svakom pogledu razmotriti ovu mogućnost na prvom rebalansu, ukoliko stvari budu išle u prilog povećanja prihoda, a smanjenja rashoda.

Imamo nekoliko razvojnih projekata, od izgradnje postrojenja za prečišćavanje otpadnih voda, do izgradnje turističkih kapaciteta Nacionalnog parka "Una", a tu je i investiranje u infrastrukturu, poduzetničke zone, poljoprivrednu proizvodnju i još nekoliko oblasti u kojima vidimo stratešku i dugoročnu razvojnu šansu. Kako mi u Krajini kažemo, pripazićemo svoje penzionere, organizacije proistekle iz Odbrambeno-oslobodilačkog rata, djecu sa posebnim potrebama i sve druge populacije koje su ispod socijalnog minimuma, onoliko koliko to budemo objektivno mogli.

ONASA: Budžetom je planirana i podrška za nekoliko infrastrukturnih projekata značajnih za razvoj općine. O kojem iznosu sredstava se radi i koji su projekti u pitanju, te, ukratko, šta bi općina Bihać konkretno dobila njihovom realizacijom?

MUSLIĆ: Bihać je od Vlade Njemačke dobio grant sredstva za izgradnju postrojenja za prikupljanje i preradu otpadnih voda i jednog dijela kanalizacije u iznosu od 17,5 miliona eura, ali eksproprijacija zemljišta za ovo postrojenje i kanalizacioni sistem je u našoj nadležnosti i tu moramo izdvojiti određena sredstva. Za te potrebe planirali smo oko 700.000 KM, obezbijedili smo kroz zakonsku proceduru kvalitetne konsultante u konzorciju njemačke tvrtke "Fichtner" i naše domaće kuće "Una consulting", koji zajednički rade na projektu, a sve kako bi nakon svih procedura, negdje početkom aprila sljedeće godine, započeli sa građevinskim radovima na terenu.

Predvidjeli smo određena sredstva za poticaje razvoju poljoprivrede u iznosu od oko 300.000 KM. Ovim sredstvima, uz sredstva u iznosu od oko 100.000 KM koje smo namijenili u zajednički revolving fond za razvoj stočarstva sa kompanijom "Meggle", smatram da ćemo značajno podržati ekspanziju poljoprivredne proizvodnje. Planirali smo određena sredstva za podršku plasteničarima, a upravo ovih dana radimo i na programu davanja kvalitetne općinske zemlje u zakup za sijanje određenih kultura.

Ovakvim planiranjem sredstava nastavili smo pozitivan trend iz ranijih godina, a zajedno sa kantonalnim i federalnim poticajima poljoprivredi činimo da ova djelatnost ima svoju osiguranu budućnost. Sa Međunarodnim fondom za razvoj poljoprivrede (IFAD) intenzivno radimo na nekoliko veoma bitnih projekata samozapošljavanja i tu, uistinu, ne mogu štedjeti riječi zahvalnosti.

Velika očekivanja imamo i u pogledu konačnog početka funkcioniranja Nacionalnog parka "Una", te se nadam da nas Vlada Federacije BiH neće zaobići u finansiranju ovog projekta. Općina će, u svakom slučaju, podržati na svaki način projekat Nacionalnog parka "Una", a tražit ćemo i učešće kantonalnih vlasti.

Intenzivno radimo i na nekoliko ideja i projekata prekogranične suradnje, zatim na projektima gdje nam je partner UNDP, čiju suradnju moram ovom prilikom posebno pohvaliti i istaknuti kao najbolji primjer. Cilj svih pobrojanih projekata i ideja jeste da dinamiziramo prostor, da zadržimo i privučemo domaće i inostrane investitore, da ostvarimo nova partnerstva i zaposlimo ljude. Bihać je nekad bio industrijski grad u kojem je više od 20.000 ljudi radilo i živjelo od proizvodnih djelatnosti. Kada bi samo četvrtinu tog broja zaposlili u narednih nekoliko godina, to bi bio vanserijski uspjeh.

ONASA: Nedavno ste na sastanku s delegacijom Udruženja proizvođača mlijeka s područja općine Bihać najavili dodatna ulaganja u razvoj mljekarstva. Možete li konkretnije reći šta te najave znače, šta će biti urađeno, te kakvo je danas stanje kada je u pitanju taj vid poljoprivredne proizvodnje?

MUSLIĆ: Već duži niz godina, bez obzira što to nije nadležnost općinske vlasti, imamo odličnu suradnju sa Udruženjem proizvođača mlijeka i mliječnih proizvoda i drugim udruženjima, te nastojimo finansijski podržati širenje mreže kooperanata, revolving fondovima, kupovinom visoko kvalitetnih steonih junica i drugim mjerama. Sa kompanijom "Meggle" razvijamo sve realne mehanizme suradnje i kod vlasnika kompanije Antona Megglea i direktora Marijana Vučka imamo otvorena vrata za daljnje partnerstvo.

Bihać je danas "grad mlijeka", što kazuje da je napravljen veliki korak. Naravno, ovo je oblast u kojoj moramo imati malo više strpljenja, ali i opreza, jer tržište diktira određene uslove. Mislim da ne bi bilo dobro da "preinvestiramo" u ovoj oblasti, a samim tim i ugrozimo rentabilnost mnogih kooperanata i same kompanije.

ONASA: Opšta poljoprivredna zadruga "Poljo-Una" iz Bihaća počela je sa proizvodnjom plastenika. Koliko ta činjenica može pomoći razvoju poljoprivredne proizvodnje na području općine Bihać?

MUSLIĆ: Može mnogo pomoći, kako u razvoju plasteničke proizvodnje, tako i u pogledu borbe protiv siromaštva. Ne radi se ovdje samo o ljudima koji imaju mnogo zemlje, pa su s tim u prilici da, recimo, sa jednim početnim plastenikom za određeno vrijeme dođu do nekoliko plastenika. U prigradskim mjesnim

zajednicama imamo dobar trend da se plastenici postavljaju na raspoloživom prostoru bašta i manjih poljoprivrednih imanja, što mnogima od mojih sugrađana dobro dođe u obezbjeđivanju povrća za kućnu upotrebu, ali i za prodaju.

Mnogi nezaposleni sugrađani s kojima sam razgovarao tražili su samo da im obezbijedimo plastenik, motokultivator i sjeme za sadnju kako bi se samozaposlili. Mnogi od njih imaju voćnjake sa kojim bilježe prve korake vlastitog kućnog ekonomskog oporavka.

Dalje, imamo pozitivna iskustva u prostoru održivog povratka, gdje uistinu imamo bezbroj primjera suradnje sa višim nivoima vlasti, sve do Vijeća ministara BiH. Nastavit ćemo sa ovim praksama, bez obzira koliko one nekome zvučale minornim ili nedostatnim. Prema mom iskustvu, u proteklim godinama, koliko sam u političkom miljeu, pokazalo se da nema velikih obrata, i što kažu, svijet se ne može promijeniti preko noći, ali može dan po dan.

ONASA: Općina Bihać raspolaže i određenim turističkim potencijalima, a tu, prije svega, mislim na rijeku Unu i njene nadaleko poznate ljepote. Koliko trenutno općinska vlast radi na unapređenju turističke ponude i da li su eventualno planirani određeni noviteti za predstojeću turističku sezonu?

MUSLIĆ: Općina Bihać već jedno duže vrijeme čini sve što objektivno može da u širem kontekstu afirmira vlastite turističke potencijale, a posebno kada su u pitanju naselje Martin Brod, sa svojim prekrasnim prirodnim bogatstvom, Kulen-Vakuf, Štrbački buk, Plješevica, kao potencijal za razvoj planinarenja i ski-centra, zatim tu su nezaobilazna Una regata, rafting, ribolovni reviri, lovišta, ali i veliki broj manifestacija koje posebno ljeti skreću u Bihać brojne posjetioce.

Prije nekoliko godina u Galeriji "Miro", u zgradi UNESCO-a, imali smo zapaženu izložbu našeg slikara Envera Krupića koja je skrenula pažnju francuske javnosti na bogatstvo rijeke Une. Na regionalnom planu nedavno smo intenzivirali razgovore sa načelnicima hrvatskih općina s kojima graničimo, kao što su Udbina, Donji Lapac, Lovinac, Plitvička jezera, Korjenica i Slunj, a sve s ciljem povezivanja turističkih vrijednosti u obostranom interesu.

Posredstvom našeg PLOD Centra realiziramo nekoliko vrlo bitnih projekata, kao što je recimo "Una - izvor života", čime nastojimo skrenuti pažnju na ono što može biti iskoristivo u daleko većem kapacitetu. U pogledu Nacionalnog parka "Una" činimo sve što možemo, kako sa višim nivoima vlasti, tako i sa našim poduzetnicima i mještanima koji žive u opsegu parka, da ovaj projekt konačno zaživi i ljudima pruži šansu da žive od uslužnih djelatnosti i poljoprivrede.

Veliku šansu vidimo i u konačnom iznalaženju rješenja za nekadašnji aerodrom "Željava", na čemu trenutno rade bh. i hrvatske institucije. Sa članom Predsjedništva BiH Bakirom Izetbegovićem i predsjednikom Hrvatske Ivom Josipovićem razgovarali smo o ideji cargo-transporta sa Željave, što bi bila obostrana korist. Ukoliko iskoristimo svoje potencijale, siguran sam da ćemo moći djelotvorno utjecati na zapošljavanje, bolji životni standard i druge općedruštvene benefite.

ONASA: Jeste li zadovoljni odnosom i saradnjom sa višim nivoima vlasti - kantonalnim i federalnim, te statusom jedinica lokalne samouprave i šta bi, prema Vašem mišljenju, u tom odnosu trebalo mijenjati u korist razvoja općina, a samim tim i u korist građana?

MUSLIĆ: Dosadašnja iskustva govore da je podrška viših nivoa vlasti mogla i trebala

biti značajnija, iako, kako sam već kazao, imamo u određenim segmentima primjere zaista uspješne saradnje, poput one u poljoprivredi. Bezbroj primjera govori da Bihać nije imao razumijevanje i podršku kakvu je trebao imati u realizaciji dobrih i održivih projekata, ali kako nisam sklon da gledam unazad, uvjeren sam da će u budućnosti stvari drukčije biti posložene.

U osnovi, općine su prostor gdje se odvija stvarni život i gdje ljudi traže posao, rješavaju stambena i druga pitanja. Zato cijenim da bi kantonalne i federalne vlasti trebale biti više zainteresirane da budu servis tim društveno-ekonomskim procesima, a ne da traže alibi za nečinjenje.

Dozvolite mi da ovom prilikom iznesem samo par ideja. Naime, na području naše općine imamo veći broj nekad velikih preduzeća čija imovina iz godine u godinu propada. Zaista ne mogu naći niti jedan valjan razlog za to. Pa valjda naši ekonomski stručnjaci u resornim ministarstvima mogu osmisлити bar to kako da zaposle deset ili 20 ljudi na bazi postojeće imovine i investicionog partnerstva.

Na području Bihaća imamo državnu imovinu koja je nekad izgrađena za potrebe bivše JNA. U naselju Vedro Polje desetak nekadašnjih armijskih skladišta jednostavno propada. Na drugoj strani imamo zaista nekoliko dobrih projektnih ideja, kao što su osnivanje komune za liječenje ovisnika, što su mi prije nekoliko dana predstavili članovi nevladine organizacije "Priatelj". Također, postoji mogućnost da naše komunalno preduzeće formira svoju jedinicu za hortikulturu, da proizvodimo cvijeće i ukrasno drveće za svoje potrebe, ali i za komercijalnu prodaju. Tu je i mogućnost osnivanja azila za napuštene životinje, što je jedan od najizraženijih problema društva.

Zašto ne iskoristiti jedno od tih nekadašnjih skladišta za istraživački centar za bihaćke inovatore, koji su i ovih dana iz Ženeve donijeli vrijedna odličja za svoje ideje. Moramo razgovarati o tim mogućnostima dok imamo o čemu razgovarati. Kad ta imovina izgubi svoju vrijednost, onda ćemo tek vidjeti koliko smo vremena izgubili i onog što smo mogli iskoristiti za razvoj privrede i društvenih djelatnosti. Nadam se ipak da će događaji ići drugim tokom.

JAČANJE LOKALNE DEMOKRATIJE II - (LOD II) IZBOR PARTNERSKIH OPĆINA

SARAJEVO, 15. april/travanj – Kao nastavak uspješnih aktivnosti realiziranih u sklopu projekta Jačanje lokalne demokratije – LOD, UNDP je, uz finansijsku podršku Evropske unije, pokrenuo novu fazu aktivnosti pod nazivom Jačanje lokalne demokratije II (LOD II).

Cilj projekta je doprinijeti demokratskoj stabilizaciji, pomirenju i daljem razvoju BiH kroz podršku odabranim općinama i uspostavljanju boljih odnosa između lokalnih vlasti i civilnog društva, te iznalaženju finansijskih mehanizama kako bi se unaprijedilo pružanje usluga organizacija civilnog društva.

Pripremne aktivnosti na projektu su sprovedene krajem 2010. godine, nakon čega je uslijedilo objavljivanje javnog poziva jedinicama lokalne samouprave (JLS) u Bosni i Hercegovini za izražavanje interesa za učešće u projektu LOD II. Rok za prijave na osnovu javnog poziva je bio 07.02.2011. godine, do kada su se prijavile 42 općine.

Slijedeće općine su izrazile interes za aktivno učestvovanje projektu LOD II: Bijeljina, Bosanska Krupa, Bratunac, Čapljina, Derventa, Doboj Jug, Drvar, Foča,



Foča-Ustikolina, Gornji Vakuf-Uskoplje, Grad Sarajevo, Gradiška, Jablanica, Kakanj, Kladanj, Ključ, Kozarska Dubica, Livno, Ljubinje, Ljubuški, Novi Grad, Novi Travnik, Novo Goražde, Odžak, Pale, Petrovac, Prijedor, Šamac, Sokolac, Srbac, Srebrenik, Stari Grad Sarajevo, Tešanj, Teslić, Trebinje, Trnovo, Tuzla, Vareš, Vitez, Vogošća, Zavidovići, Zvornik.

U sklopu javnog poziva svim zainteresiranim partnerima predstavljeni su konkretni uslovi i kriteriji za učešće. Proces odabira partnera je bio konkurentan, što znači da su prijave jedinica lokalne samouprave bile vrednovane na osnovu ispunjavanja kriterija.

Nakon provjere i ocijene prijava, Projektni odbor LOD II, koji čine predstavnici Ministarstva pravde BiH, Delegacije Evropske unije u BiH i UNDP, odabrao je 15 općina za učešće.

Slijedeće općine su odabrane za partnerstvo u LOD II projektu: **Bijeljina, Derventa, Foča, Gradiška, Prijedor, Trebinje, Zvornik, Jablanica, Ključ, Ljubuški, Grad Sarajevo, Srebrenik, Tešanj, Tuzla, Zavidovići.**

Odabrane partnerske općine će u narednom periodu raditi na jačanju odnosa sa civilnim sektorom, što će u sprovođenju projektnih aktivnosti uključivati razvoj kapaciteta općina za jačanje saradnje sa OCD i poziv organizacijama civilnog društva za dostavljanje projekatnih prijedloga, koji će omogućiti sprovođenje lokalnih razvojnih strategija.


Fokus saradnje sa organizacijama civilnog društva je na projektima socijalnog uključivanja, dok tematska područja uključuju pitanja poput, smanjenja siromaštva, ravnopravnosti spolova, ljudskih prava, zaštite okoliša, te prava manjinskih grupa.

Projekat LOD II finansira Evropska unija, iznosom od 1.500.000 EUR, a implementira Razvojni program Ujedinjenih naroda (UNDP) u Bosni i Hercegovini.

NAJAVA SPECIJALISTIČKIH SEMINARA NA TEMU miPRO

U okviru UNDP Projekta "Sistem obuke za JLS", a u saradnji sa Projektom integriranog lokalnog razvoja, organizuju se specijalistički seminari na temu standardizirane Metodologije za planiranje lokalnog razvoja u BiH (miPRO) za 25 zainteresiranih JLS.

Metodologija **miPRO** je instrument za proaktivno i odgovorno planiranje i upravljanje lokalnim razvojem u BiH, zasnovano na principima održivog razvoja i socijalne uključenosti. Ona posmatra lokalni razvoj na integriran način i omogućava konzistentno bavljenje strateškim prioritetima u domenu ekonomskog razvoja, socijalnog razvoja i zaštite okoliša na lokalnom nivou. Usvojili su je obje entitetske vlade i savezi općina i gradova te preporučili na upotrebu JLS u BiH. 24 JLS u BiH su u okviru procesa planiranja već imale priliku sudjelovati u obukama na temu miPRO, a na ovaj način se i dodatne JLS u BiH nastoje upoznati sa prednostima primjene nove metodologije za planiranje lokalnog razvoja. Ovi seminari će biti organizirani u dva modula, prvi koji će biti usmjeren na lokalno vođstvo i drugi prilagođen potrebama praktičara koji se neposredno bave planiranjem lokalnog razvoja u svojim JLS.



U prilogu je jedan primjerak programa rada, a ispod su termini i lokacije održavanja prvog modula za vođstvo iz JLS.

BIHAĆ - 05.05.	FOJNICA - 10.05.	TESLIĆ - 10.05.	KONJIC - 12.05.
1. Bihać	1. Jajce	1. Teslić	1. Jablanica
2. Velika Kladuša	2. Travnik	2. Tešanj	2. Tomislavgrad
3. Novi Grad	3. Fojnica	3. Petrovo	3. Čapljina
4. Ključ	4. Ilijaš	4. Gradačac	4. Novi Grad Sarajevo
5. Mrkonjić Grad	5. Srebrenica	5. Živinice	5. Grad Sarajevo
	6. Bratunac	6. Zvornik	6. Neum
			7. Berkovići
			8. Mostar

Modul za praktičare će uslijediti u sedmicama od 16. do 31. maja/svibnja, o čemu ćemo vas blagovremeno obavijestiti.

NAJAVA OBILJEŽAVANJA DANA OPĆINA

- **02. maj/svibanj - Dan Općine Centar Sarajevo.** Naime, toga dana 1992. godine dešavale su se presudne bitke za odbranu Predsjedništva RBiH.
- **02. maj/svibanj - Dan Općine Stari Grad.** Na taj dan, 1992. godine dešavale su se presudne bitke za odbranu Starog Grada i Sarajeva, kao što su borba za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.
- **08. maj/svibanj - Dan Općine Kladanj** i dan formiranja Teritorijalne odbrane 1992. godine.
- **15. maj/svibanj – Dan Općine Usora.**
- **16. maj/svibanj - Dan Općine Novo Sarajevo.** Ovaj datum simbolizira «Pofaličku bitku», kojom je 1992. godine agresoru onemogućeno da podijeli Sarajevo.
- **20. maj/svibanj - Dan Općine Bugojno.** Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.
- **23. maj/svibanj - Dan Općine Kalesija.** Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.
- **24. maj/svibanj - Dan Općine Čitluk.** Na taj dan 1306. godine Čitluk, odnosno Brotnjo, prvi put se spominje u trgovačkim odnosima s Dubrovnikom.
- **25. maj/svibanj - Dan Općine Bosanski Petrovac.**

